

“ХӨГЖЛИЙН БЭРХШЭЭЛТЭЙ ХҮНИЙ ЭРХИЙГ ХАНГАХ НЬ” НИЙТЛЭЛ, НЭВТРҮҮЛГИЙН УРАЛДААН ЗОХИОН БАЙГУУЛАХ АЖЛЫН УДИРДАМЖ

Улаанбаатар хот

2020 оны 11 дүгээр сарын 02

НЭГ. ҮНДЭСЛЭЛ

Монгол улс НҮБ-ын Хөгжлийн бэрхшээлтэй хүний эрхийг хамгаалах конвенцид 2009 онд нэгдэн орж, 2016 онд Хөгжлийн бэрхшээлтэй хүний эрхийн тухай хуулиа баталсан билээ. Хөгжлийн бэрхшээлтэй хүний бие даан амьдрах, нийгмийн оролцоог хангах, эрх мэдэлжүүлэх, ОУ-ын чиг хандлагыг төлөвшүүлэхээр “Хөгжлийн бэрхшээлтэй хүний эрхийг хангах нь” нийтлэл, нэвтрүүлгийн уралдааныг зохион байгуулахаар төлөвлөөд байна.

Энэ хүрээнд хөгжлийн бэрхшээлтэй хүнийг эрх мэдэлжүүлж, боловсрол, хөдөлмөр эрхлэлт, дэд бүтэц, зорчигч тээвэр, худалдаа үйлчилгээ гэх мэт салбар бүрт тэдний оролцоог хангахад учирч байгаа бэрхшээл, эрх зүйн зөрчлийн асуудлыг хөндөж, салбар хоорондын уялдааг хангах, олон нийтийн хөгжлийн бэрхшээлийн талаарх ойлголт, хандлагыг эерэгээр өөрчлөх, хүртээмжтэй орчин, тохируулгат ажлын байрыг бий болгоход нөлөөлж, олон нийтийг уриалах зорилгоор нийт хэвлэл мэдээллийн байгууллагуудын дунд нийтлэл, нэвтрүүлгийн уралдааныг зохион байгуулах гэж байна.

Тус уралдааныг зохион байгуулсанаар хөгжлийн бэрхшээлтэй иргэдийн асуудлыг нийгэмд нээлттэй ил тодоор харуулах замаар олон нийтийн хандлагыг эерэгээр өөрчилж, шийдвэр гаргах түвшинд нөлөөлөх чухал ач холбогдолтой байх болно.

ХОЁР. ЗОРИЛГО

Хөгжлийн бэрхшээлтэй иргэдийг нийгмийн харилцаанд идэвхитэй оролцоход тэдний эрхийг хангахтай холбоотой тулгамдаж буй асуудлуудыг хөндөн хэлэлцэх, мэдээлэл солилцох, тэднийг нийгмийн харилцаанд тэгш хамруулахад салбар бүрийн оролцоог хангах, хөгжлийн бэрхшээлтэй хүмүүсийн оюуны болон биеийн чадвар, бүтээмж, онцлог хэрэгцээ, тэдний өмнө тулгамдаж буй бэрхшээлийг шийдвэрлэх гарцыг хөндөн олон нийтэд сурталчлан таниулахад оршино.

ГУРАВ. ЗОРИЛТ

3.1. Хөгжлийн бэрхшээлтэй хүмүүсийн өмнө тулгамдаж байгаа бэрхшээлийг хөндөн гаргах;

3.2. Хөгжлийн бэрхшээлийн талаарх цэгцтэй ойлголтыг олон нийтэд түгээж, эерэг хандлагыг хэвшүүлэх;

3.3. Хөгжлийн бэрхшээлтэй хүнд дэд бүтцийн хүртээмжийг нэмэгдүүлэх;

3.4. Хөгжлийн бэрхшээлтэй хүний боловсролын чанарын асуудлыг сайжруулах;

3.5. Хөгжлийн бэрхшээлтэй хүнд тохируулгатай ажлын байрыг бий болгох;

3.6. Нийгмийн харилцаанд оролцогч хуулийн этгээдүүдийн /Хувь хүн, ААНБ-ын/ нийгмийн хариуцлагыг олон нийтэд сурталчлан таниулах;

3.7. ХБИ-ийн чадамж, онцлог хэрэгцээг нийтэд таниулах;

3.8. ХБ-тэй иргэдийн хөдөлмөрийн чадамж, хөдөлмөр эрхлэлтийг сурталчлах;

ДӨРӨВ. ХУГАЦАА

2020 оны 11-р сарын 10-аас 12-р сарын 04-ны хугацаанд зохион байгуулна.

ТАВ. ХАМРАХ ХҮРЭЭ

- Телевизийн болон студийн уран бүтээлчид;
- Сонин, сэтгүүл, цахим сайтын уран бүтээлчид;
- Хэвлэл, мэдээллийн салбарын уран бүтээлчид;

ЗУРГАА. ЗОХИОН БАЙГУУЛАГЧ:

- Хөгжлийн бэрхшээлтэй хүний хөгжлийн ерөнхий газар
- Монголын телевизүүдийн холбоо

ДОЛОО. ҮР ДҮН

- Хөгжлийн бэрхшээлтэй иргэдийн чадамж, тусгай хэрэгцээний талаарх иргэд, олон нийтийн ойлголт нэмэгдэж, хандлага өөрчлөгдсөн байна;
- Салбар дундын уялдаа хамтын ажиллагаа сайжирсан байна;
- Хөгжлийн бэрхшээлтэй иргэдэд тулгамдаж буй асуудал, хүндрэл, бэрхшээлийг шийдвэрлэх арга замыг олж илрүүлсэн байна;
- Холбогдох байгууллагад санал, зөвлөмж хүргүүлнэ;

НАЙМ. ШҮҮГЧДИЙН БҮРЭЛДЭХҮҮН

- Хөгжлийн бэрхшээлтэй хүний хөгжлийн ерөнхий газраас – 3 хүн
- Телевизийг төлөөлж – 1 хүн
- Хэвлэлийн хүрээлэн – 1 хүн
- Монголын Сэтгүүлчдийн Нэгдсэн Эвлэл – 1 хүн